



Sarajevo, 25.09.2020. godine

Broj: 06-06-2-1047-3/20

Predmet: Poziv za učešće na edukaciji „Škola vanjskotrgovinskog poslovanja“

Poštovani/a,

Veliko nam je zadovoljstvo obavijestiti bh. poslovnu zajednicu, te Vam ovim putem uputiti poziv za učešće na edukaciji „**Škola vanjskotrgovinskog poslovanja**“ u organizaciji Vanjskotrgovinske komore Bosne i Hercegovine, koja počinje **05.10.2020. godine** i traje do januara 2021. godine (kompletan program škole se nalazi u prilogu ovog poziva).

Vanjskotrgovinska komora BiH je uspješno realizirala prvi ciklus ove škole u 2018. i 2019. godini, koji je pohađalo ukupno 15 polaznika. Veliko interesovanje bh. poslovne zajednice za temama koje čine nastavni plan i program ove škole, najveća su motivacija Vanjskotrgovinskoj komori BiH da ponovno pokrene „Školu vanjskotrgovinskog poslovanja“. Ova škola je razvijena s ciljem pružanja savremenog i praktičnog treninga uposlenicima bh. kompanija, bavi se svim praktičnim aspektima vanjske trgovine, orijentisana je ciljnim grupama i realizira se kroz efikasne nastavne jedinice.

Naime, razvoj vanjske trgovine Bosne i Hercegovine je proteklih nekoliko godina bio veoma pozitivan, a većina kompanija u zemlji učestvuje direktno ili indirektno u vanjskoj trgovini. Aktivna potraga za novim direktnim kupcima, klijentima i dobavljačima u inostranstvu predstavlja poseban izazov i zahtjeva dodatne kvalifikacije i kontinuirano stručno osposobljavanje uposlenika bh. kompanija kako bi ostali konkurentni sa uslugama i proizvodima na međunarodnom nivou.

Visokokvalificirani treneri i efikasno upravljanje kvalitetom „Škole vanjskotrgovinskog poslovanja“, garancija su uspjeha za sve učesnike. Imajući u vidu značaj, obim i ambicije samog projekta, velika nam je čast i zadovoljstvo informisati Vas da su pripremu realizacije projekta podržale brojne institucije, visokoškolske ustanove i kompanije iz privatnog sektora.

Nastavni plan i program škole & Dinamika realizacije

Nastavnim planom i programom predviđena je realizacija „Škole vanjskotrgovinskog poslovanja“ kroz ukupno 68 školskih sati. Dinamikom realizacije „Škole vanjskotrgovinskog poslovanja“ predviđeno je ukupno 10 (deset) dana edukacije, a koji bi se održali u periodu od oktobra 2020. do januara 2021. godine. Detaljan pregled planirane dinamike realizacije škole se nalazi u Programu (prilog).



Način održavanja nastave

S obzirom na neizvjesnu i nepredvidivu situaciju sa koronavirusom (COVID-19), organizator (VTK BiH) zainteresiranim polaznicima nudi 2 opcije/načina realizacije nastave u okviru „Škole vanjskotrgovinskog poslovanja“.

1. Opcija: Nastava u učionici

Nastava će biti održana u prostorijama Vanjskotrgovinske komore Bosne i Hercegovine u Sarajevu (velika sala), uz maksimalno pridržavanje sigurnosnih mjera, preporuka i naredbi nadležnih zdravstvenih institucija i kriznih štabova (zaštitne maske i dezinfekcijska sredstva za polaznike, preporučena distanca između polaznika, organizatora i predavača, itd.). S tim u vezi, broj učesnika škole je ograničen na maksimalno 15 polaznika.

Cijena po polazniku: 1.170,00 KM (s PDV-om)

U cijenu je uključeno:

- Edukacija (10 dana u učionici)
- Prezentacije / Materijali predavača
- Certifikat o pohađanju „Škole vanjskotrgovinskog poslovanja“ (na ime polaznika)
- Ručak i osvježenje na pauzama (10 dana)
- Pribor i radni materijali

2. Opcija: Online nastava (webinar)

Nastava će biti održana online – preko Zoom aplikacije. Broj učesnika škole je ograničen na maksimalno 100 polaznika. Za pristup online nastavi je potrebno da zainteresirani polaznici imaju:

- pristup računaru na kojem je instalirana Zoom aplikacija (besplatna)
- stabilnu internet konekciju
- video ili web kameru na desktop ili laptop računaru
- mikrofoni ili slušalice sa integrisanim mikrofonom

Cijena po polazniku: 1.000,00 KM (s PDV-om)

U cijenu je uključeno:

- Edukacija (10 dana online)
- Prezentacije / Materijali predavača
- Certifikat o pohađanju „Škole vanjskotrgovinskog poslovanja“ (na ime polaznika)

Vanjskotrgovinska komora BiH će „Školu vanjskotrgovinskog poslovanja“ realizirati na dva načina u isto vrijeme, tj. polaznici koji se odluče za pohađanje nastave u učionici, edukaciju će pratiti u prostorijama VTK BiH u Sarajevu (ulica Branislava Đurđeva 10), dok će polaznici koji se odluče na pohađanje online nastave, u isto vrijeme, edukaciju pratiti putem Zoom aplikacije/platforme.

S tim u vezi, potrebno je da zainteresirani polaznici prilikom popunjavanja online prijavnog obrasca izaberu opciju/način na koji žele pohađati školu (učionica ili online).

Uslovi i način prijave učešća

Zainteresirani polaznici prijavu mogu izvršiti popunjavanjem online prijavnog obrasca. Krajnji rok za dostavljanje prijave je četvrtak, 01.10.2020. godine do 12:00 sati.

Nekoliko napomena

- Uplata kompletnog iznosa kotizacije je obavezna prije početka nastave i troškove kotizacije nije moguće refundirati za one kandidate koji odustanu od pohađanja nastave.
- U slučaju da kompanija/institucija/organizacija želi izvršiti prijavu više od 2 (dva) kandidata, moguće je odobriti popust na cijenu kotizacije, koja se dogovara direktno sa organizatorom.
- U cijenu kotizacije nisu uključeni troškovi prijevoza i smještaja kandidata, te se isti finansiraju o vlastitom trošku (odnosi se na opciju realizacije nastave u učionici).

Vaša kontakt osoba za sve dodatne informacije u vezi sa ovom školom je gospodin Mirza Konjo, saradnik za edukaciju u Vanjskotrgovinskoj komori BiH.

Telefon: +387 33 566 204 ili +387 33 566 200

E-mail: mirza.konjo@komorabih.ba

Iskreno se nadamo da ćete prepoznati značaj organizacije jednog ovakvog događaja i da ćete svojim učešćem uveličati realizaciju edukacije.

S poštovanjem,



Elma Kovačević-Bajtal
Dr.sc. Elma Kovačević-Bajtal
Vanjskotrgovinska komora BiH
Direktorica Instituta za edukaciju

Prilog:

- Program „Škole vanjskotrgovinskog poslovanja“